

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

4. Cum ab eo &c. Canonicis Carnotensibus prohibet pluralitatem
beneficiorum, & residentiam præscribit.
-

[urn:nbn:de:hbz:466:1-74452](#)

LUCIUS TERTIUS.

30

ANNO
1181.

ad suscipiendum ordinem sacerdotii, si idonei fuerint, appellatione remotâ, compellas. Nulli ergo omnino hominum licet hanc paginam nostrâ concessionis & prohibitionis infringere. vel ei ausu temerario contraire. Si quis autem hoc attentare præsumperit, indignationem omnipotens Dei & beatorum Petri & Pauli se noverit incursum.

Datum Veronæ 111. Idus Martii.

III.
Ex opt. Diplom. Mirai
Tom. II. pag.
1189.

Donationes Godefridi I. Henrici I. & Godefridi II. Brabantiae Ducum, in favorem equitum Templariorum confirmat.

LUCIUS EPISCOPUS,

Servus Servorum Dei: dilectis filiis magistro & fratribus domus militiae Templi salutem & Apostolicam benedictionem.

JUSTIS potentium desideriis dignum est nos facilem præbere consensem, & vota quæ à rationis tramite non discordant, effectu prosequente complere.

Quapropter dilecti in Domino filii vestris iustis postulationibus grato concurrentes assensu piam concessionem bona memoriae Godefridi, quondam Ducis Lotharingiae vobis & domui vestrae rationabiliter factam, ratam esse decernimus, eamque, ut indissolubiliter obtineat firmatem, præsentibus litteris duximus inserendam.

Statuit namque divinitus inspiratus, ut quindecim mansos & Maresium & prata usque ad flumen Lane, in loco ubi sylva fuit, & vadit secus terram Monachorum Sanctæ Mariae & terram viri nobilis Gosowini, ex dono suo, propria consentiente uxore sua, habeatis in posterum & ad utilitatem domus vestræ utiliter teneatis.

Præterea nepos ejus Godefridus Dux Lotharingie, cum propriæ uxoris assensu donum à prædicto Godefrido Avo suo factum recognovit & ratum habuit, & ad exemplar ipsius relevamentum hominum suorum, tam in Ducatu de Brabantia, quam in Comitatu de Arefcot: & in tota terra, & in Ducatu suo, sicut ex Autentico scripto ejus agnovimus, vos habere concedit.

Adjiciunt, ut quicumque de fratribus vestris in Curia ejus pro reditu illo colligendo morabitur, pro se & duobus scutariis & tribus equitaturis fœnum & avænam habebat, & candelas, & ferraturas equorum de Curia ipsa percipiat.

Quæ utique omnia, sicut piæ & rationabili ter data sunt & concessi, rata esse decernimus, & eavo bis & domui vestræ auctoritate Apostolica confirmamus, & præsentis scripti patrocinio communimus; statuentes ut nulli omnino hominum licet hanc paginam nostra confirmationis infringere & ei ausu temerario contraire.

Si quis autem hoc attemptare præsumperit indignationem omnipotens Dei & Beatorum Petri & Pauli Apostolorum ejus se noverit incursum. Datum Arimini x. Kal. Julii.

ANNO
1184.

I V.
Ex spicil.
Dacher.
Tom. III.
pag.

Canonicis Carnotensis prohibit pluralitatem beneficiorum & residentiam præscribit.

LUCIUS EPISCOPUS,
Servus Servorum Dei, venerabili Fratri Petro Episcopo, & dilectis filiis G. Deano & capitulo Carnotensi salutem & Apostolicam benedictionem.

CUM ab eo cui plus committitur, amplius exigatur, dignum est & consonum rationi, ut qui in Ecclesia vestra præ aliis honorantur studiosissimi deserviant, & utilitati ipsius intendant. Hac itaque ratione industi auctoritate duximus Apostolica statuendum, ut honores Carnotensis Ecclesiae aliis de cætero minime concedantur, nisi qui secundum antiquam & rationabilem consuetudinem residentiam se promiserunt habitueros. Si autem post promissionem suam hoc nequaquam impleverint, ab ipsis reddantur horribus alieni.

Ad hæc auctoritate Apostolica inhibemus, ne quis in alia Ecclesia beneficium habens, in Canonicum Ecclesiae vestræ, aut Plebanum Presbyterum admittatur, nisi Priori cesserit beneficio, & ab proprio fuerit Episcopo absolutus.

Decernimus ergo ut nulli omnino hominum licet hanc paginam nostræ constitutionis infringere, vel ei ausu temerario contraire. Si quis autem hoc attentare præsumperit, indignationem omnipotens Dei, & Beatorum Petri & Pauli Apostolorum ejus se noverit incursum. Datum Velletri, xvi. Calendas Februarii.

V.
Ex Archivis
Reipublicæ
Genevensis
exprompta
collataque
cum originali.

Confirmatio Sententiae contra Comitem Gebenensem.

LUCIUS EPISCOPUS,
Servus Servorum Dei, Venerabilibus Fratribus Viennensi Archiepiscopo & Gebennensi Episcopo Salutem & Apostolicam Benedictionem.

QUOCIENS in malefactores Ecclesiarum Ecclesiastice districtonis, Sententia pro eorum excessibus canonice promulgatur, tamdiu in sua debet firmitate consistere, donec malefactores ipsi cogantur cum satisfactione condigna, quæ perperam gesserant emendare. Hinc est quod Sententia quam in Comitem Gebenensem & terram ejus pro dampnis & injuriis Gebennensis Ecclesiae canonice promulgatis auctoritate Apostolica confirmamus, & uque ad satisfactionem debitam præcipimus inviolabilitatem observari. Dat. Velletri. Kal. Julii.

ANNO
1185.

URBANUS TERTIUS,
PONTIFEX CLXXIV.

ANNO DOMINI M C LXXXV.

URbanus III. Mediolanensis, Lambertus Cribellus antea vocatus, Joannis Cribelli filius, Ecclesiae Mediolanensis Archidiaconus, mox Presbyter Cardinalis ab Alexandro III. factus, creatus Veronæ 7. Kal. Decembris, & coronatus 8. Kalend. Jan. 1185. Sedit annum 1. mensis 10.

dies